

91. *Fides enim nō præstat in usu Sacramenti, ut Sacramentum ipsum integrum accipiat, qui credit: quasi tale non futurum esset, si non crederet: sed hoc duntaxat efficit, ut utile ac fructuosum sit Sacramentum utenti: hoc est: Fides facit, non ut Sacramentum, sed ut rem Sacramenti cum Sacramento ipso fidelis percipiatur.*

92. *Quemadmodum enim semper sunt & erunt in Ecclesia, qui & Sacramentum, & rem Sacramenti percipiunt: quales sunt, omnes parvuli, lavacro regenerationis Christo insiti: & electi omnes, S. Cœnâ utentes: ita sunt in eadem, qui neutro fruuntur: ut Empectæ & manifesti Sacramentorum contemtores.*

93. *Sunt etiam, qui Re Sacramenti sine Sacramento participes evadere possunt: ut qui in casu necessitatis ab usu Sacramenti Eucharistici exclusi, verè tamen credunt. Hic enim locum habet illud Augustini: Crede & manduca.*

94. *Sic sunt qui viceversa Sacramento quidem, at non re sive usu ac fructu Sacramenti participant: ut qui sine fide Sacramento Eucharistico utuntur.*

95. *Est præterea & illud in hac quæstione notandum, Fidem necessariò quidem requiri, in omni Sacramento, quoad salutarem usum: non verò ante omne Sacramentum, ne cum Sacramentarijs infantes etiam ante Baptismum in*

Gg 5 fædere